




Ike Rom suphahemi no akumo amichishi mekhave. Khunomu tile ilo mula -momu ipeghi mula.

19



Tsala tsa kughakiche hileno kishekhaye aghi keaye, kiutoi amulo kusapu shiniche kela. Ikemu Alhou no thime lakhi akumzapu shitsue. Jisuye thive keu shi ngomoe!

20



Sabat tsala thiu tughakhani inaqhe vuqhai ipechekelo. Jisu khopemi khami no akumo tu lapha tukuluve aghi keu ithulue. Panongu no kughou akumo sholokuu jusu keno, Jisu ye tile aghi move.

21



Ikemu topumi lakhi ye, akumoki khalacheu ngono qa-ae. Jisu no li lau ipeghi! Lino alokivishi akhopemi kutami qo lau kutughu niye mighisu wove. "JESUS YE XU ANI! JISU YE AKITHI LONO

22

IDEIGHIVAE".



# Easter Atughiu

Paikhavi lono Jisuno Pa khopemi qolau ipeghive, eno kojai no pau yepili tsu keu panongu piye. Tiye kuchouke. JISU YE XUCHILE ITHUGHU VAE! Pano Pitor no pa mili vekeu kipimi qhivetsue, eno Pakhopemiqo vilo Paghili pesuno timi kumtsu lau pikhulha tsulo pi. Eno tishi puzuno Paye kungughalo ikuve. Tiye Khristmas atughiu ikhiluniye ighikeu lalono ikuve ke!

23

Easter Atughiu  
Alhou launo ighi keu kughakiche Tsah, Baibel  
hile no phulu nani  
Mathi 26-28, Luk 22-24, Johan 13-21  
"Otsah/Okukutsu tsah iloghi keu lono akuvu tsu cheni." Leshele 119:130

Yekiphe: Edward Hughes  
Mijekutsu-u Janie Forest  
Pekikide kutsu-u Vikashe Achumi  
Shikithe kutsu-u Lyn Doerksen  
Kughakiche 60 dolo atughiu (54)  
M1914.org  
Bible for Children, PO Box 3, Winnipeg MB R3C 2G1 Canada  
License: Tsala tsaghi kaku hipau kuqu kidi shimokepu shi aye kaku hipauye oghola launo yephelu eno tsughu phelu nani.

Alhouye ninguno akumla lhokusa shikeu kuchopu ithi ani, eno pano tipaqo pesu axine ipi kucheni. Axine jume ye akithi.  
Alhouno ningu kimiyekutuke ghenguno Panu Jisu puwu puzuno nixine ghenguno Kross lono aghashi thive pe. Jisu ye xuchile ithuve eno Kungughalo ikuve! Itehiye Alhou no ni xinego qhive tsu nani.  
Nono oxine lono xaideghini shi aye, Alhou vilo ishi pilo: Alhou, ino pulu ani Jisu ye ixine ghenguno thive eno xuichile thuva. Oshikimithi ilolo iloghitsulo eno ixinego qhivetsulo, tishianguno niye itehi akuxu kithe ithulu nani, eno lhokuta kuxu ogholo auve nani. Onu/onga toi xukulupu shi ikuphu tsulo. Amen. John 3:16  
Baibel philo eno pulhapuju Alhou sasus kuputsa lo.

Sumi Sema



Topumi huno yeye shi keu laphelo puthugho ae, eno liye pishi puwo Pa Nu no kukhu kimishi shi thiakeu jupuku juae. Aza huye Maria ke, eno liye Jisu khileno kross lono yeda keno tipau phivilo puthugho ae.  
Hikuchopu kishieno shive kya? Jisu kuxu kivi kishieno kukhu kimishi kithipu lono kiske khaye kya? Alhou ye kishi puzuno Pa Nu kugha pesuno kross lono yeda pithive peni kya? Jisu ye Pa khiu keno mutsu mishei ithi kuto move keo? Alhou ye tomovekeo?

1

2



Moe! Alhou ye tomoveke kumoke. Jisu ye kiu mu shipimi moe. Jisu ye alokuthu lono timi lhokusami no pa pithi venani kepi ithi ache. Jisu no anga kughunu shiache philono amuchou Simon no Maria lau amulo ghime ighinikeu piputo pe puatsu.

3



Jisu pithive nike zulo, totimi lakhino amekusho tsunguquyi keu teli pesu ighi puzuno pa pukhu shou lepukutsu. "Liye ghuka khilekhuluyive ani", ipi akhopemi qono muchoghi pi. Jisu no pi, "Liye akumla kivi shi anie". "Liye iqhonikeu ghenguno kutokupuyive tsu ani". Kiutoi akumzapu tsa kela!

4



Tipathiu, akhopemi chighi kini ghola milakhi Judas no achinetomi lau Jisu kughape tsandiye shighi lono jechuve.

5



Judami Hechekulu Ghululo, Jisu no pakhopemiyo sasu aghulhu shi. Pano Alhou-u akumzapu thime eno tushokiqhiyo pa kimiye chekemi lau piputo tsue. Tishi puzu Jisu no asho eno ajukhu ikhilo no panongu sasu kijeju eno kijesho. Hipau kiqhiye panongu pelono alokuthu lono kumsumape mono Jisu shi eno paji ye axinemiyo ghenguno axine qhikutsu saighi tsunie huke ipi ithi peniye ke.

6




Tilehi Jisu no Pakusamiyo vilo ishipe, 'Nongu kumtsu iqhiveno pokhave nani'. "Niye khilemu pomoe", ipi Pitor no tsukhomoe pi. "Awudu no ighami phi kutolo noye ghuthu kuthu imili venani", ipi Jisu no piputo tsue.

7



Tipaji, Jisuye inikhuniye Gethsemane Ghutu lo wuve. Pagholo akhopemi akeqo kumtsu zuu khave. "O Ipuh", Jisu no inikhu, "... hi ajukhu Ilauno ikhisuwuve tsulo. Tishiepimu igho kumoe, ikemu ogho shilo".

8



Paikhavi lono timi aqokithiki lakhi aghutu lo judas no sasu iloghive. Jisu ye mujo chilemo, ikemu Pitor no mi lakhi kini kusa qhivetsu. Jisu no atsapimo puzu timi kini butsueno shipivi vetsu. Jisu ye timi aqo kitikhi no pakughalu ve akeu hikuchopu Alhou kupughu kepi ithi ae.

9



Timi aqokithiki no Jisu sasu achinetou kilo wuve. Tilehi, Judami sakhiphemi qono Jisu ye thive masa pi. Tipa kunulo, Pitor ye aqemi no ami shikeu phivilo ngo no ju aye. Ghuthu kuthu timi qono thughui Pitor jupuzu no pi, "Noye Jisu ghola ae".

10



Jisu no piputo puaketo ghuthu kuthu kutolo Pitor no milive. Pitor ye tushoqhi eno ghushoqhi keu ghi shi.

11



Tipa mutsa, awudu no ighauve. Tipau awudu ghugha ye Alhou sutsa toi Pitor no chiluke. Jisu no pikeu tsa kumsuchilelue puzu Pitor ye shishe no qah auve.

12



Judas ghi, ighono amulo save. Paghi Jisu ye kumu akipimi eno axine kumla lhokusa shi pamoe pi ithi ae. Judas no tsandiye 30 pechilewu, ikemu achinetomi qono lutsu chilemove.

13



Judas no poisa ayeghilo peve, khalau ipeve - eno palikhi pa kukha pithive.

14




Achinetomi qono Jisu sasu Pilat, Rom mi governor, zulo saighi. Pilat no pi, "Niye Timi hipau shou akipimi kumu phumulae". Ikemu timi aqokithikhi alau shi aghaghi pi, "Pa Yedavelo! Pa Yedavelo!"

15




Tileno Pilat no Jisu kross lono yedavelo pi azah tsuve. Suphahemi qono au sukumqope Jisu chishi, Pagilo musupukutsu eno akighi kipili pesuno he. Panonguno asahukumtsuno akutsukuqo mulano pakutsu qhotsu. Tishieno panonguno pa kughapesu asuu kross lo thive peniye yedave.

16



Jisu no Paye khikithipu ghola lono thive nani kela ithiae. Eno axinemi khunoqono Pashou pukhukibe shini keno axine qhikutsu pakithi vechewono saghi tsunani kepi ithi ae. Alhokusa kumlami kini ghi Jisu phivilo yedave. Mi lakhi ye Jisu pululuve, eno Kungughalo ikuve. Mi lakhiuye ikumulave.

17



Ayikihe suchedo kushuwo ime vekethi, Jisuno pi, "Hiye shikupuvae", eno thive. Pakumlaqo kishekhave.

Akusamiqono Pa pesuwuno timi qhomokeu kumo kilo qhovetsu.

18